

5

NA FAAILOA MAI E IESU KERISO IA I TATOU LE AUALA E ALOLOFA AI I ISI

FOLASAGA MO LE FAIAOGA

Ina ia e saunia faaleagaga e aoao atu lenei lesone, faamolemole ia faitau ma mafaufau loloto i mea nei:

Na faia e Iesu Keriso se faataitaiga atoatoa o le agalelei ma le alofa. I le taimi atoa o Lana misi-ona faalelalolagi, na faaalai ai e Iesu Lona alofa mo isi e ala i le faamanuiaina ma le auuuna atu i e matitiva, i e mama'i, ma e faanoanoa. Na Ia fetalai atu i Ona soo, "O la'u poloaiga lenei, ia outou fealofani, pei ona ou alofa atu ia te outou" (Ioane 15:12; tagai foi Ioane 13:34–35; Moronae 7:46–48).

SAUNIUNIGA

- Faailoga le itulau 22 i le tusi lesone lenei e faafaigofie ai ona e susue i ai.
- Aumai se kopi o tusitusiga paia.

GAOIOIGA E AOA O AI

Amata i se gaoioiga faapotopoto. Mo manatu, tagai i le itulau 3.

Tatalo Valaaulia se tamaitiiti e faia le tatalo amata.

Pese Ta'u i tamaiti a o soifua Iesu Keriso i le lalolagi, na Ia aoao i tatou e alolofa atu i isi; na Ia faailoa mai ia i tatou e ala i mea sa Ia faia. Usu pe fai atu le tali o le "O Loo Ou Taumafai e Avea e Pei o Iesu" (*Tusipese a Tamaiti*, 40–41) ma faia taga o loo i lalo. Valaaulia tamaiti tou te faia faatasi.

Ia fealofani e pei o Iesu. (*fusi oe lava ma feliliuui mai lea itu i lea itu*)

Agalelei i mea uma e fai. (*luelue le ulu*)

I ou mafaufauga ia agamalu, (*fusi oe lava ma feliliuui mai lea itu i lea itu*)

Ua aoao mai o Iesu. (*luelue le ulu*)

Tala mai Tusitusiga Paia Faaali atu i tamaiti se kopi o tusitusiga paia. Tau atu ia i latou e faapea i totonu o tusitusiga paia tatou te aoao ai i auala na faaali ai e Iesu le alofa. Faamatala oototo atu i ai le tala lenei:

Tala 1 (faaali atu le ata tusi o i le itulau 27): E toatele tagata na o mai e faalogo o aoao atu Iesu. Sa latou i ai iina mo se taimi umi lava ma sa latou fia aai lava (*ia faafoliga tamaiti o loo fia aai*). Sa itiiti lava se areto ma ni i'a sa i ai e fafaga ai tagata uma lava. Sa faamanuia e Iesu le meaai ma fai atu i Ona soo e tufa atu i tagata. Sa tofu uma tagata, ma na tele foi meaai na totoe (*ia faafoliga tamaiti o loo aai*). (Tagai Mataio 14:13–21.)

Fai i tamaiti tou te faia faatasi, "Sa faailoa mai e Iesu ia i tatou le auala e alolofa ai i isi," fai auauai ni nai upu i le taimi.

Tala 2 (faaali atu le ata o i le itulau 26): I se tasi aso na iloa atu ai e Iesu se alii tauaso—sa le mafai ona pupula (*fai i tamaiti e pupuni o latou mata*). Sa faamanuia e Iesu le tamaloa ina ia mafai ona pupula (*ia toe tatala mata o tamaiti*). (Tagai Ioane 9:1–12.)



MOTUGAAFA FAAFAIAOGA

Pese: E fiafia tele tamaiti i mea na latou vaai ma faalogo i ai muamua. Usu pe faia fuaiupu o gaoioiga mai le lesone lenei po o lesone ua tuana'i i taimi o le vasega pepe. O lenei toe faamanatu o le a fesoasoani ia i latou e aoao ai pese ma manatua ai aoaoga faavae sa e aoaoina atu.

Tala: A o le i faamatalaina se tala, faitau soo le tala ina ia e masani ai. A o faamatalaina le tala, tilotilo sa'o i mata o tamaiti e fesoasoani ai ia faalogo lelei i latou. (Tagai O Le Aoa Atua, E Leai Se Isi Vala-auga e Sili Ai, 191.)

Fai i tamaiti tou te faia faatasi, “Na faailoa mai e Iesu ia i tatou le auala e alolofa ai i isi.”

Tala 3 (faali atu le ata o i le itulau 22): Ina ua uma ona toetu Iesu, sa asiasi atu o ia i Sa Nifae. Talu ai ona sa alofa o Ia i tamaiti, sa Ia faamanuiaina ai i latou taitoatasi (*ia fusi e le tamaitiiti ia lava*). (Tagai 3 Nifae 17:21–24.)


Fai i tamaiti tou te faia faatasi, “Na faailoa mai e Iesu ia i tatou le auala e alolofa ai i isi.”

Pese Toe usu pe fai atu le tali o le “O Loo Ou Taumafai e Avea e Pei o Iesu”. Valaaulia tamaiti tou te pepese ma faia taga.

Faaiuga Faasoa atu lau molimau e mafai ona tatou alolofa i isi e pei ona faia e Iesu.

Tatalo Valaaulia se tamaitiiti e faia le tatalo faaiu..

GAOIOIGA E FILIFILI AI



Sauniuniga *Mo le paso:* Aumai se ata o le Faaola (e mafai ona e faaogaina le ata o i le itulau 106 pe afai e te mana'o ai). Sue se fasipepa e tutusa le tele ma le ata (pe 'oti se fasipepa ia tutusa le tele) ma otioiti le pepa i ni vaega se tolu pe fa e faia ai se paso. Tusi i le pito i tua o fasipepa taitasi le [faaupuga] “O le a Ou Alofa Atu i Isi.”

Mo le gaoioiga i mau: Aumai se kopi o le Tusi Paia. Faailoga le Ioane 15:12 e faafaigofie ai ona e susue i ai.

Mo le gaoioiga i le ata tusi: Kopi le ata tusi o i le itulau 27 mo tamaiti taitoatasi.

Paso Ufiufi le ata o Iesu i fasi paso. Fai atu i se tamaitiiti e filifili mai se fasi paso. Faitau le fuaiupu o loo i luga o le fasi paso ma ia fai faatasi e tamaiti. Talanoaina se auala se tasi e mafai ona tatou alolofa atu ai i isi (fai atu faafetai lava, faasoa atu, fai le mea e fai mai ai Tina ma Tama, teu mea taalo, ma isi). Toe faia mo isi fasi paso taitasi seia ali-ali uma mai le ata. Toe faamalosia le mau e faapea sa faailoa mai e Iesu ia i tatou le auala e alolofa ai i isi.

Mau Ta'u i tamaiti e faapea i totonu o tusitusiga paia na aoao mai i tatou e Iesu ia tatou fealofani. Sue le Tusi Paia i le Ioane 15:12 ma faitau, “Ia outou fealofani.” Valaaulia tamaiti e tou te faia faatasi le fuaiupu.

Pese Usu pe fai atu upu i le pese “Fetalai Mai Iesu e Alofa i Tagata Uma” (*Tusipese a Tamaiti*, 39) ma faia taga o loo i lalo. Valaaulia tamaiti tou te faia faatasi.

Fetalai mai o Iesu; (*fofola lautele lima*)

Ia alofa atu. (*luelue le ulu*)

E alofagia ai oe, (*tuu le lima i luga o le fatu*)

E tagata uma. (*fusi oe lava*)

Ata tusi Tuuina atu i tamaiti taitoatasi se kopi o le ata tusi o i le itulau 27. Fesili i tamaiti e uiga i le ata tusi ma faamanatu ia i latou le tala ua uma ona e faamatalaina ia i latou. Mo se faaitaiga:

E mafai ona e iloa atu Iesu i totonu o le ata? (*ia tusi lima o tamaiti ia Iesu i luga o a latou kopi o le ata tusi*)

O a mea o loo i totonu o ato? (*faafoliga o loo aai tamaiti*)

MOTUGAAFA FAAFAIAOGA

O tamaiti laiti atonu o le a le mafai ona latou faia leni fuaiupu. Fesoasoani ia i latou e faia upu autu e pei o “Iesu” ma le “alofa.”

Gaoioiga e filifili ai: Ina ia tausisia le fiafia e avai ma aaaa, ia feauavai le faalogo- logo ma gaoioiga e aafia ai le gaoioi. Ia tasi le uumi o gaoioiga taitasi i le lua pe tolu minute.

Fai soo: E fiafia tele tamaiti tausaga vasega pepe i gaoioiga e fai soo, ma e fesoasoani foi ia i latou e aaaa ai. Afai o loo fiafia pea tamaiti ma o loo faalogo lelei, toe fai gaoioiga ina ia mava le avanoa o tamaiti taitoatasi e avai.





Na Faailoa Mai e Iesu Keriso Ia
i Tatou Le Auala e Alolofa ai i Isi